

nuntur. Quos posteri ditiores facti, ac debita & crimina luētes, honorifice sepeliunt. Gloriantur enim Aegyptij suos parētes maiores uel magnifice esse sepultos. Mos est apud eos, defunctorū parentum corpora dare in pignus creditori. Summa illos qui non redimunt, sequitur infamia, & sepultura carent. Mirabitur quis, & meritō, eos qui haec instituerunt, non solum quae ad uiuentiū mores spectarent, persecutos, sed etiam quae ad mortuorū sepulchra cultumque pertinerēt. Ad eodē pacto ad bonos mores, quantum fieri posset, componi uel tam hominū existimabant. Graeci sanē, qui fictis fabulis ac poetarum dictis fidem excedentibus de piorum meritis, malorumque poena tradiderūt, nequaquam potuerunt suis scriptis traducere homines ad uirtutē, quin e contra potius derisi contemptique sunt ab improbis. Apud Aegyptios uerō non fabulis, sed uisita uirtutū poena, iustis laus impartita. Singulis diebus utroque eorū quae uita uirtutum existant, admonent, cum uideant cuique pro his quae egit, debiti praemij memoriam impendi. Qua ex causa ad meliōrē singuli uertuntur uiuendi normam. Eas enim optimas esse leges putandum est, quibus non diuites, sed honesti prudentesque homines fiant. Legitur de Aegyptijs legum latoribus, qui eas tam admirabiles exquisitasque tradidere, dicendum uidetur. Post antiquam Aegyptiorum uitam, quam Deū Heroumque tempore fuisse fabulantur, tradunt persuasisse primū multitudini scriptis uel legibus Menam, magni animi uirum, uitaque inter omnes probatā. Finxisse autē eas Mercurij datas praecipit, tanquam magnorum bonorū causam futuras: quemadmodum apud Graecos aiunt in Creta quidē Minoem, apud Lacedaemonios Lycurgum fecisse, quorum alter Iouem, alter Apollinem suarū legum auctorē extitisse dixit. Plures quoque nationes eodem tradunt leges suscepisse, quae optemperantibus multorum bonorum causa fuere. Arianis namque scribunt Zaratrā simulato numine dedisse leges. Getis eodem modo Zamolxis Vestam praefrens leges tulit. Apud Iudaeos Moyses Abiaō, quem Deum uocant, acceptas leges dare praeferebat: siue putantes rem mirandam, ac diuinā, maximeque mortalibus utilem leges esse, siue ut citius populi ob rei excellentiā deū timore legibus obtemperarent. Secundus apud Aegyptios legum lator dicitur uir prudentia excellens Sasothis. Hunc & ad Deū religionem cultumque multa prioribus legibus addidisse perhibent, geometriaque fuisse inuentorem, ac incolis astrorum cursus ostendisse. Tertium Sesostrum regem tradunt, qui ad rem militarem & belli munia plurima contulit institutis suis. Quartus scribitur rex Vecchoris qui leges dederit, & commercia hominum iudiciaque constituerit: cuius memoria in multis, ob ingenij acumen usque ad hoc tempus manet. Eum dicunt infirmo extitisse corpore, pecuniarū praeter ceteris cupidum. Post hunc legibus multa addidit Amasis rex: quem tradunt & de ijs quae ad monarchas pertinent, de quo omni Aegyptiorū oeconomia praecipisse. Hunc admodum perspicacem fuisse scribunt, iusti aequique amatorum: qua ex re ab Aegyptijs est rex constitutus, cum regio genere ortus non esset. Cum Elienses circa Olympiacum certamen occupati, legatis ad eum missis quaesissent quo maxime modo id certamen iuste fieret, si nullus Eliensis certaret, respondit. Polycratem Samiorum principem, qui secum societate coierat, cum & ciues & externos eodē nauigantes uolentius tractaret, per legatos ad modestiā hortatus est. quo sua consilia aspernante, per epistolam societatem diremit, scribens, cum sciret illū breui impietate tyrannidis poenas daturum, nolle ex amici casu dolere. Admirari sunt Graeci plurimum uiri prudentiam, cum Polycrati breui quod praedictum fuerat, euenisset. Sextum ferunt Darium Xerxis patrem legibus Aegyptiorum addidisse. Cui cum displiceret Cambylis qui antea regnauerat, erga deos Aegyptios iniquitas, humaniter pieque uixit. Itaque sacerdotum eorū haud aspernatus, theologia ab illis, gestisque quae libris sacris continebantur, perceptis, priscorum regum magnificentiam, & in subditos humanitatem historia

leges Menae: Menae  
 edoſty amercuſis  
 Tancz alter summo  
 a triumpho

Moyſes

Amasis rex: Polycratis